

華東師範大學圖書館藏

稀

見

叢

書

匯

刊

黃秀文 吳平◎主編

北京圖書館出版社



黃秀文 吳平◎主編

北京圖書館出版社

6

華東師範大學圖書館藏

稀見叢書匯刊



小引

魏子曰余于辛亥遊雲間訪傅石漪別駕館余
潭西載更寒暑雲間固海內所稱風雅地而余
以從事選政盡識其賢豪才俊班荆傾蓋角韻
飛觴始無虛日因得與彥澈定交於石漪坐中
促席談心財衡千古余甚儀之彥澈亦不我鄙
爰時相過從與之辨事則得失判矣與之評史
則治亂晰矣與之論詩則體法嚴矣每篝燈午
夜惓惓不已所爲唱和之什積以成帙携之行

篋中未敢忘也癸丑春暮驅車過顓頊故城訪
青門刺史入其署槐陰之下有長揖而前者則
故沈郎也相與撫掌稱快因歷叙寒溫流連宵
旦彷彿潭西故事且出療鶴亭草見示讀之凡
關山閨歷風雨懷人以及酒酣耳熱之時鐘沉
雁落之候偶有所觸無不托諸篇章以鳴其所
感急爲携歸補入石倉集中公之天下足見彥
澈琴劍大涯嗟咏不輟其性情學問有大過人
者并簡石滴別駕焉

百名家詩選

福清魏憲惟度輯選

萊陽宋琬荔裳華亭田茂遇鬅淵

叅

武塘曹爾堪顧菴盱江吳學炯星若

沈道暎字彥滋號鑑亭婁縣人

月夜遊白雲庵

醉後扶蒼藤尋幽聊乘興攀蘿度前峯陟壑轉
微徑犬吠林更深月出山初靜幽人每孤往宿
鳥時相應惟聞松際風不辨烟中磬行行指平

岡遂造招提境嚴扉闔無人密樹亂清影扣關
至松寮方得窮幽勝僧徒四五人睡起日猶暎
花落磻戶空雲凝石床冷支公去未歸遙情何
由覓霏霏露已沾寥寥夜方永惆悵徒言還泉
聲滿清聽

寓武塘錢氏南園孫霄客過夜話

斜陽沒林表高樓延暮色竹深歸鳥喧庭空花
影寂寒更蕭寺鐘獨夜越鄉客撫景耿不眠悄
然對四壁何來空谷音慰此旅愁劇燒燈照素

心散帙論古昔高言豁胸懷
豎議矜創獲愛此幽夜話
翻覺嚴漏迫襖被爲我留
連床風雨夕松風入座清
梅花滿林白永晝亦遲君
揮麈對泉石

夕霽卽事

驟雨撤暄濁薄暮開新晴
輕陰猶未歛孤霞條東生
石壁俯殘照林壑含餘清
郊原互迴暎夕鳥爭飛鳴
鮮雲蕩華薄彩虹曳眉城
蒼翠群木秀蔥蒨遠岫橫
炊烟起郊郭清景羅軒楹
蕭散

滌煩慮澄鮮淡遙情空琴方罷鼓濁醪聊自傾
策杖步荒圃浩歌思濯纓怡悅東籬下悠然遺
世營

寓懷

朱陽蒸自南百艸生繁陰喬柯翳陽景廣牖開
煩襟霏霏丹雘秀交交黃鳥音謾謾松下風冷
泠丘中琴葛蘿互蒙密雲霞蔚深沉息駕絕塵
鞅晞髮聊長林芳蘭當門鋤直木斧柯尋有識
貴韜精幽獨良可任濠濮千載上寥寥徵賞心

又

蜉蝣不逮久，薜華止朝鮮。
粲粲雖可悅，亮非金石堅。
狹輶旣已傾，明膏徒自煎。
審已安蓬蘽，遺俗止攀緣。
歌醕匪所適，耀首誰爲妍。
將期任公釣，聊排漆園筌。
冥心任太素，放志凌雲烟。
重巖攀落縈，層崖挹飛泉。
石髓探幽閼，金膏駐靈仙。
永懷羨門遊，馳想子喬騫。
逍遙良辰候，寧爲世累纏。

鳴鳥羨喬林，游魚樂深澤。
飛潛不相困，因高下任

所適伊余丘樊姿雅尚敦夙昔孤雲曳遙情高
霞結沉癖濯潭媚澄鮮捫嘯懷葱碧松枝秀宜
餐江籬芳可摘既愜冥鴻心寧以腐鼠迫隱見
苟不揆終爲達者惜

同郡別駕傅公惟度松之星若雙白同里
帶三先生六益髴淵蒼水集硯銘臨流
草堂

西郊美物候高秋展遐矚墟落明孤烟原野散
晴旭招邀有之子開筵蔭喬木溪堂敞幽藤曲

池統寒綠鱸魚膾正肥松花釀新熟白雲被芙
藻青樽映黃菊蒼翠人遙峯凝睇怡心目鳬鷺
來親人繞磻飛款款婉婉賢府君風流迥超俗
性與高人親脫略去邊幅眷茲山水情千旌駐
空谷歡宴放意志流連忘日促遙懷托風雅清
言逾絲竹悠悠韋白踪千載同高躅

別惟度

與君展良遊數月招提境登閣愜幽期流連移
日景識君古人風胸懷篤淵靜能事寄千秋蕭

然萬慮屏跡與松風清興逐高秋迥長吟對層
巒遙情時一騁久客倦人事忽焉買舴艋束書
理晨裝去去川途永輕隨波際鷗靜汎烟中艇
京江樹如莽天末勞引領分手渺前期何以慰
耿耿

集光復堂分賦得露字

君家北郭多幽趣開徑長畱佳客在折柬頻來
隔日招銜杯喜作高陽聚驂驪門外繫垂楊花
月樽前尋舊雨岍幘人來九曲雲輕裝客指三

江樹竹林數子盡賢豪落落風颭見真素嗟予
本屬蓬蒿人年來已作烟霞病倚鋏不入平原
門把鋤擬向要離墓生涯濩落來客嘲寥廓無
途鳳困笈獨將歲月消酒杯寧復沉埋守章句
但逢知己便開顏爲歡作劇無違忤廣川主人
興獨豪當筵意氣相傾吐清齋不覺炎暑蒸羶
飲高談忘禮數玉肪新鱸谷陽鱸紅螺細酌蘭
陵醑城頭角動歸鴉栖疎槐葉落微風度酣劇
翻愁去路遙歸橈已見流清露

送蒼水遊粵

董子才名滿江左雄辭健筆無其倫崎嶇磊落
多不偶十年高臥滄江濱丈夫壯盛不得志寧
肯低眉住鄉里仰天大笑忽出門萬里之遊自
此始南去瀟湘望嶺雲鷓鴣啼處對斜曛洲上
杜蘅思屈子祠前斑竹吊湘君九歌地人騷人
怨慷慨登臨恣遊宴岳陽秋色把杯深巴陵夜
雨清登健山川遙接桂林城匹馬還爲嶺外行
戰罷樓舡烽燧息風清瘴癘海波平探奇歷險

不知任重到昔人遷謫處紅蕉丹荔醉羅浮古
今才士同時遇定有明珠壓客裝還多翠羽酬
佳句男兒志豈安蒿萊壯遊萬里形神開不見
馬遷歷覽徧天下著書後世稱奇才

盱眙道中

縣小無城郭長空泗水流雲檣臨岸密煙火傍
山稠曉市浮橋隘重岡刈剝幽往來爭利涉南
北總悠悠

泗州有感

路出都梁盡懸檣問水程衝波帆影亂映日市
烟明隔岸山圍郭中流塔枕城千年靈跡在鐘
鼓送潮聲

有泗州大士塔廟

豐沛當年地空傷王氣消劒鏃寒大澤覺鼓咽
秋潮淮海猶蟠亘風雲竟寂寥一坏何處問宿
艸莽蕭蕭

遊都梁山望泗州

望眼登臨豁長空似畫圖滄波浮地濶層塔倚
天孤沙艸閒鷗鳥人烟走舳艫茫茫濤浪外陳

跡幾荒燕

山迴清無暑泉流石徑寒

山有玻璃泉

湖天亭外合

魚鳥鏡中寬列剎穿雲起孤城隔水看何人倚

長笛竟日獨憑欄

地是隋宮舊

相傳此山爲隋都梁宮

詩從米老傳

亭間有米南宮

石刻都梁十景詩

荒臺餘短榻斷壑走哀泉客話先朝

事僧追廢寢年一杯空泗水日日送啼鵲

過塗山望禹廟

蔓草重岡出殘陽古殿扃山川歸滌蕩玉帛想